

鴉片癮戒除法

卷上



鴉片癮戒除法

緒言

今天下有一毒物焉害人甚於虎豹而無其爪牙殺人多於戈矛而無其鋒刃非酒精之能發熱而令人心醉非女色之能悅目而令人意淫噫嘻此何物耶非卽我國人無富無貧無貴無賤無老無壯無男無女甘之如飴毒如砒之鴉片也耶

功用始詳於東璧販售首毒乎西夷臥遊管吸烟癖以漸而深炭熾燈燃烟患乘虛而入癮輕者姑不論第論夫癮重者其有面色青白睡少神昏怔忡恍惚煩躁驚悸等症者吾知其心受病也其有目眩頭疼眼蒙流淚筋骨麻木步履艱難等症者吾知其肝受病也其有痰多胃弱面黃肌瘦口淡神倦頭重多眠噁噫痞膨泄瀉腸鳴等症者吾知其脾受病也其有欬嗽聲低背寒氣喘外感易侵內傷尤劇口燥咽乾便秘下血等症者吾知其肺受病也其有頭暈氣喘

耳鳴、目暗、牙浮、咽痛、腰痠、腿軟等症者。吾知其腎受病而陰虧也。其有寒痰、哮喘、奔豚、淋疝、脛寒、膝冷、下元不固等症者。吾知其腎受病而陽弱也。其有渴、消渴、膠、滯、凝、聚、諸般痛塊、脹滿、鬱積等症者。吾知其煙積爲患而受病於胃腸也。更有俾晝作夜、夜現晝伏、七分似鬼、三分似人、既顛倒乎晨昏、復暗竭其髓腦、腦部一傷、自然四肢百骸五臟六腑無一不被其毒害且也。烽起一燈蔓延於廿二行省、金融萬鎰漏溢乎五洲各國、貧國在此弱種在此。甚至敗國亡家亦未始不在此。此愛國之士所以痛哭流涕而長太息者也。

幸今日吾國上下洞明其害。羣起而謀禁止之良策。其大要有三。一要求外國之不再輸入。二嚴禁吾國之不准自種。三強逼人民之母許吸食。朝廷設

禁烟大臣於

京都。以親王總其成。各行省則以封疆大吏分其責。復與英政

府訂十年滅盡之約。而一般熱誠志士或編爲詩歌。或演成戲劇。類能曲盡其神情。作世人當頭之棒喝。朝野一心。務掃除而廓清之不已。深切而著明乎。

若吾國人民到今日而猶仇忘君國嘯傲烟霞如飢狂泉而逐臭如升厝火於積薪是真全無心肝冥頑不靈者矣

雖然戒除無病成癮之鴉片易戒除因病成癮之鴉片難戒除存心不吸欲戒無方之鴉片易戒除畏罪勿吸惟恐生病之鴉片難由前之說是生理的作用由後之說是心理的作用正惟心理的作用故戒除鴉片癮之法較生理的作用爲尤難何則生理的作用猶可以藥物調劑之補助之心理的作用其初非不立志戒除也而或因起居之不適或因飲食之內傷或因情志之刺激生理一有反常遂疑慮戒除之爲害於是親朋勸其吸妻孥慰其吸卽爲父母者兒女情長亦不得不聽其暫吸嗚呼人情莫不貪生而怕死舍遠而圖近苟能延一線之殘喘誰肯恪遵嚴諭而視死如歸乎故強逼人民之母許吸食雖爲近今切要之圖然非熟籌善良之策精求完備之方吾恐朝廷雖明禁之而難除重稅之而愈盛欲收十年滅盡之效果不亦憂憂乎其難哉



同社友曹君炳章。素嫻藥業。博覽醫書。而於鴉片一物。研究有年。特著鴉片癮戒除法一書。以餉同胞。書成。囑序於余。余忻然一一瀏覽之。見其於鴉片之源流。患害及其性狀。成分。與夫檢查嗎啡之法。皆簡而明。約而賅。卽禁烟行政。亦復綱羅無遺。余尤喜其禁斷之方。治療之法。或採自前哲。或取諸心得。其大旨。以培元爲主。體質虛熱者。滋潤以生。其津液體質虛寒者。甘溫以補。其元氣烟家易泄者。固腎爲先。烟客多痰者。調中爲要。心虛者。補血以交腎。肝虛者。緩中以和胃。脾虛者。建中以健運。肺虛者。清金以濡潤。腎陰虧者。益其精髓。腎火弱者。壯其元陽。精心析理。綱舉目張。吾國上下。得此書而資參考。不獨一般社會。所便利。而禁烟行政。尤足以資補助。此真二十世紀必不可緩之著作也。茲於其將出版也。特述其要略於簡端。以告吾國之急於戒除鴉片者。

宣統三年四月望越醫何炳元廉臣氏識於臥龍山麓之宣化坊

徐序

凡人不可無專門學。尤不可無愛國心。心既誠。學既博。而後徵合者。可以立說而著書。昔黃帝之作方書也。登崆峒而問廣成。適東岱而奉中黃。入金谷而諮滑子。坐朝右而詢岐伯。蒼萃羣說。手訂一書。以療民病。其學博。其心誠也。否則無一縷之熱誠。何以惠一國之羣黎。何以垂百世之醫範。蓋黃帝爲醫學之鼻祖也久矣。春秋時。得醫學眞傳者。和緩尙已。兩漢三國。魏晉六朝以來。而唐而宋。而元。而明。名醫輩出。類皆發明醫理。成一家言。醫林之書。汗牛充棟。詳哉其言之矣。時至今日。百病蠡起。中西醫學。已爲競爭時代。而一二名家者流。非不欲著一書以療民病。庸詎知當今之民病。孰有大於吸鴉片烟者乎。考鴉片一物。來自印度。一入中國。毒流四海。道咸同光以來。喪師辱國。割地賠款。甚至國弱民貧。竟使我黃帝神明之胄。皆爲病夫。假令黃帝有知。在天之靈。能無恫乎。然則士夫之專心醫學者。治當今癮病。宜若何參考良法。以一掃其毒氛乎。



而況 聖主賢王。疊頒 諭旨。禁烟之令。期限愈迫。精醫之士。尤當出其所學。筆之於書。以公同好。庶足爲海內病夫藥石言焉。余友曹君炳章。四明醫學士也。與吾越賢士大夫遊。居恒學重專門。熱心愛國。素有醫療民病之思想。且有醫療當今數百萬病夫之思想。用是檢搜舊稿。編定一書。名曰鴉片癮戒除法。余披覽一過。見其學說之精確。考證之詳明。搜羅豐富。抉擇謹嚴。其注意尤在痛陳貧弱之原因。力挽富強之權利。則是書之婆心苦口。爲病夫痛下針砭乎。爲我國永塞漏卮乎。抑爲黃帝神明之胃大造幸福乎。傳曰。仁人之言。其利溥哉。又曰。君子之言。信而有徵。余於是書亦云。書旣成。因樂而爲之序。

宣統三年清和月上澣會稽昂士徐承謨序於蠡城許氏之恒仁堂


題辭

中國烟禁綦嚴大部頒行良方實少我國民何以除其害而養其生
承雖得戒烟方甚夥而未曾親身試驗不敢確信其效果於吾心實
耿耿焉今得曹君編印之鴉片癮戒除法出而救世俾同胞病廢
之身變爲康強之體從此與農工界謀生計商學界競爭事業身體日
臻於壯健知識日進於文明以之保種而禦侮何難之有偉哉是書
誠可爲救苦之寶筏醒世之洪鐘也行見是編一出聞風爭購者定
當洛陽紙貴奚啻華佗復生頌聲四起不特爲曹君賀且爲我同
胞慶也爰樂誌數語以告熱心禁烟之君子

宣統三年

清和月下澣

姚江友丞徐猶程謹誌



惠詩四絕照錄

四明有客舍蠡城橘井風生妙手春脈理功深金鑑朗千秋扁鵲有傳人
讀君著述極精神爛戒昭垂皓月明磊落英多名士概清談片刻見天真
鴉片從來染習深知君考古又徵今生民倘得除烟毒共體名醫救苦心
山陰道上晤先生子建才高仰盛名隨寫詞章三二句他年舊雨最關情

曹君炳章先生來自四明爲醫學中之大手筆風雅士也居恒手不釋卷暇
則與諸名士討論古今以故登門者衆彷彿山陰道上有應接不暇之勢一
日晤談出戒煙編輯見示快讀一過竊念先生一片熱誠以仁濟之心爲
公益之舉凡我同胞倘掃盡烟霞破除積習未始非先生之厚德焉爰錄拙
句數首敢請 喝政

辛亥春日山陰光璨馬莒夫求是草

自序

鴉片一物。環球各國無不視為害人毒物。限制入口。而我國歲納鉅額。設關徵稅。數十年來。已浸淫殆遍。國因此貧。民因此弱。幸我德宗景皇帝。深明貧弱之由。振新百度。銳意圖強。毅然下

詔。期以十年斷淨。

皇上又克承先志。復縮短年限。特定新刑律。凡栽種、販運、售賣、吸食、無不定以嚴刑。恭讀欽定憲政籌備清單。內載宣統二年頒布新刑律。業於宣統二年十二月十七日。由憲政編查館具奏奉

旨依議。欽此。

是宣統三年臘月。即為鴉片禁絕之期。萬無疑義。又查新刑律第二十一章。第二百六十條內載。凡製造鴉片烟。或販賣。或意圖販賣而私藏。或自外國販運者。處以三等至五等有期徒刑云云。又讀禁烟辦法章程。第六條官製方藥。以便醫治。戒烟良方流傳甚多。應由各省選派精通



醫學之醫生。研究戒烟藥品。期於各該處水土相合者。酌定數方。製備丸藥。又讀稽核禁烟章程。第七章第十三條。各省應通飭地方官設立戒烟官局。如有醫學精通之人。於部頒戒烟藥方外。發明戒烟良藥者。應將其方藥。申由該省督撫。咨送民政部查驗等因云云。仰見我皇上保衛羣倫。俾薄海臣民共登仁壽之域。意深旨遠。已覺無微不至。凡士大夫曾習岐黃者。當各出所學。探本窮源。製方備藥。以廣皇仁。而蘇民困。此其時矣。炳日觀時艱。久欲廣集羣言。參以管見。撰鴉片癮戒除法一書。因爾時非社會所急。故刊行之志。蓄而未發。藏諸篋中。已三四年矣。今以運會既開。禁令愈迫。而不能不慨然於心焉。查現行戒烟之藥。非用嗎啡。即用麻醉劇藥。或暫時止癮。而毒根難除。或吞服未終。而百病叢生。目覩近年因戒烟而斃命者。實指不勝屈。以一人之力。安得普救衆生。審時度勢。此書實刻不容緩者也。爰是重理舊稿。略加增訂。

分爲四編。初編九章曰、鴉片歷史及沿革。曰、燒烟釀邊釁。曰、割地償賠。欸。曰、抽稅之延禍。曰、漏卮之鉅耗。曰、近年禁烟之發達。曰、新定法律之森嚴。我國第一國恥史。其在斯乎。使吸鴉片者讀之。知所痛恨。各存疾烟如仇之心。卽無不痛定思戒矣。二編六章曰、鴉片產地及種類。曰、鴉片含質之成分。曰、嗎啡對於試驗藥之反應。曰、鴉片關於生理病理之諸作用。三編九章曰、吸烟成癮之理由。曰、因病成癮之原因。曰、烟癮與全體之關係。曰、烟毒害生理之現狀。曰、烟癮之常病。曰、癮病之鑑別。曰、癮病診斷之種種。曰、烟癮體質之鑑別。曰、戒烟藥有無嗎啡之分析。四編處方。曰、林公戒烟方。曰、新製戒烟十方。曰、經驗戒烟方彙錄。曰、戒烟簡便方。曰、西藥戒烟方備考。曰、戒烟主要藥備考之諸要目。詳加註釋。付之剞劂。公諸同胞。使之家喻戶曉。未戒者流覽而便得良方。已戒者博考而更求精意。尤願觀是書者。痛陳貧弱之原因。掃除鴉毒。務絕其

根株。父詔其子。兄勉其弟。則庶幾自家而國。而天下。咸離愁雲之苦海。共登化日之春臺。黑暗之世界。或一變爲光明之世界。則是書關於強種保國。補救漏卮。豈淺渺哉。書旣成。因述其緣起於簡端。是否有當。敢質之。博雅諸君。以匡余之不逮。則余幸甚。

宣統三年 三月中旬 四明曹炳章赤電氏自識



鴉片癮戒除法卷上目錄

何序

題辭

徐序

自序

初編 鴉片流毒沿革史

第一章 鴉片上古之沿革

第二章 禁煙期之歷史

第三章 燒煙釀邊釁之歷史

第四章 禁煙戰鬥之國恥

第五章 禁煙近年之發達史

第六章 宣統四年關於吸煙種煙運煙實行之條文

一 三 六 九 十二 十六



南京中醫藥大學圖書館藏

第七章 鴉片抽釐之沿革

第八章 鴉片漏卮之鉅耗

第九章 結論

二編 鴉片產地及其原質之作用

第一章 鴉片名稱與產地之種類

第二章 鴉片成分之分析 中國鴉片成分表附

第三章 鴉片中美幹泐酸嗎啡之覈取法

第四章 嗎啡對於試驗藥之反應

第五章 鴉片之生理作用

第六章 鴉片之病理作用

二十

廿一

廿二

廿三

廿四

廿五

三十

三十一

三十五

三十八



南京中医药大学图书馆藏

鴉片癮戒除法卷下目錄

三編 烟毒成癮損臟腑原因之戒除法

第一章 吸烟成癮之理由

第二章 因病吸烟成癮之原因

第三章 成癮損全體之形狀

第四章 烟毒損生理之現狀

第五章 癮者常病之關係

第六章 癮者病狀之鑑別

第七章 癮病診斷之鑑別

第八章 烟癮體質之鑑別



第九章 戒烟最宜注意之種種

第十章 戒烟藥有無嗎啡之分析

四編 處方

第一章 林公戒烟方

第二章 新製戒烟十方

第三章 經驗戒烟方彙錄

第四章 戒烟簡便方

第五章 西藥戒烟方

第六章 戒烟主要藥備考

鴉片癮戒除法 目錄

終 四十一 三十九 三十七 三十四 廿六 廿二 十

